

Столбец

ВКП(б)-лэн УАССР-ысь Иж Райкомезлэн но Райсполкомлэн органы.

№ 67 (529)

12 июль 1939 ар

Дуныз 5 коп.

Колхоз'ёсын большевистской дисциплина понна

Кык сталинской пятилеткаос куспын асьме странама чылкак воштиськиз. Кылдытэмын трудящойёслэн материальной но культурной уровеньзылэн азыпалан жог будонез понна могучой база. Асьмеос вступит каримы социализм лэстынэз йылпум'ян но коммунизме пунен выжон дыре. Трудящойёсты коммунистически воспитать карон задача басьтэ первостепенной, решающей значение.

Адамиослэн куд-ог группаосы. лэн сознаниязы вуж, капиталистической пережиток'ёс кылемын на: социалистической собственностилы пренебрегать карон, асьсэлы тросгес кыскыны, нош государствоы ожыт. гес сётыны туртокон, азытэм'яскон, тунейдство но мукет'ёсыз.

«Колхоз'ёслэсь общественной муз'ем'ёссэс разбазаривать карон-лэсь возманлэн мераосыз сярысь» ВКП(б)-лэн Центральной Комитетэз. лэн но СССР-лэн Совнаркомезлэн постановленизы—исторической документ, кудыз басьтэ бадзым значение колхозной строез но вань социалистической строительствоз юнматон понна. Та постановление — колхозник'ёслэн сознаниязы капитализмлэсь пережиток'ёссэс преодолеть карон понна нюр'ясконин кужмо оружие.

Али но ожыт өвёл на сыче колхозник'ёс, куд'ёсыз быдэс ар куспын 20—30 трудодень ужало, а то кабзэ но уг ужало. Колхозник-лэн нимыныз шобьртскыса, соос пользоваться кариско колхозной улонлэн вань благоосыны, личной хозяйствозылы, торгашеской но спекулятивной уж'ёслы дырзылэсь трос локетсэ сётыса. Со лодырьёс но тунейдец'ёс колхоз'ёслэн общественной хозяйствозылы бадзым из'ян лэсты, трудовой дисциплинаез куашкато.

Соосын сэрэн колхоз'ёсын ужас кужым тырмымтэ искусственно кылдэ, сельско-хозяйственной уж'ёс жегало, урожай улэ усе. Озы тыни честно ужас колхозник'ёс ужам трудоденьёссылы коньдон но нянь ожыт басьто, куд мында басьтыны луысал, если ваньмыз добросовестно ке ужасалзы.

«Колхоз'ёслэсь общественной муз'ем'ёссэс разбазаривать карон-лэсь возманлэн мераосыз сярысь» ВКП(б) ЦК-лэн но СССР-лэн СНК-

езлэн постановленизы, колхоз'ёсын дисциплинаез юнматон понна но дезорганизатор'ёс вылэ воздействовать карыны, честной колхозник'ёслэн, партийной но советской организациослэн киязы могучой оружие сётэ.

Колхозник, кудыз ар куспын выработать уз кары трудоденьёслэсь тупатэм минимумэс, колхозысь потэмен но колхозниклэсь правозэ ыштэмен лыд'ясыкыны кулэ, нош солэн приусадебной муз'емез—колхозлэн общественной муз'ем'ёсыз борды вандысыкыны кулэ.

Но бадзым янгышен луысал возманы, арлэсь ортчемзэ но собере гинэ колхозысь куштыны соосты, куд'ёсыз выработать уз каре трудоденьёслэсь минимумэс. Колхозной улонлэн сталинской уставез учке недисциплинированной колхозник'ёс вылэ воздействиюлэсь трос мераоссэ — предупреждение, выговор, общей собраниянын порицание, съёд пул вылэ пыртон, 5 трудоденьэз штраф но мукет'ёсыз. Применяг карыны кулэ убедит но воздействие каронлэсь вань мераоссэс, чтобы юрттыны несознательной колхозник'ёслы исправиться карисыкыны, коллективной хозяйстволэн честной труженик'ёсынызы луыны.

Ар куспын 200-ысен 600 трудоденьэз но солэсь вылтй ужас честной колхозник'ёс, колхоз'ёслэн основной кужыменызы но большевистской партилэн гуртын подлинной опораеныз луо. Задача сылэ со бордын, чтобы бусыослэсь ударник'ёссэс но стахановец'ёссэс партийной лозунг'ёс котыре эшшо но юнгес сплотить карыны, нюр'ясконэ жутыны трудовой дисциплинаез дезорганизовать карисыссылы, тунейдец'ёслы пумит, куд'ёсыз общественной колхозной ваньбур чот улыны ярато.

Стахановец'ёс но стахановкаос, сельской хозяйстволэн азымын'ясыз бадзым государственной ужлэсты. Урожайностез вылэ жутыса, животноводстволэсь продуктивностьэ жутыса, соос нюр'яско узырьсэ но зажиточноеь колхоз'ёс понна, асьме странама продукт'ёслэн изобилизы понна, социалистической родиналэн могуществоз понна.

Социалистической трудлэн азымын'ясызылы честь но слава!

НАРКОМИНДЕЛЫН

8 июле Молотов эшен принять каремын вал английской посол г. Сиидс, Французской посол

г. Наджиар но г. Стренг. Беседа кыстыськиз кык час ёрос.

(ТАСС).

* * *

9 июле Молотов эшен выльысь принять каремын вал английской посол г. Сиидс, французской посол г. Наджиар но г. Стренг. Верась-

кон кык часлэсь но уно кыстыськиз. Вераськон определенной результат'ёсты өз сёты.

(ТАСС):

СССР-лэсь орден'ёссэ но медальёссэ сёт'ян

4-тй июле СССР-лэн Верховной Советэзлэн Президиумезлэн Председателез М. И. Калинин эш вручить кариз СССР-лэсь орден'ёссэ но медальёссэ сельской школаосысь нимыстыз отличиться карем дышетисьёслэн бадзым группаылы.

Орден'ёс но медальёс басьтызы

Татарской, Удмуртской АССР-ысь, Ростовской, Орловской, Ярославской областёсысь сельской школаосысь дышетисьёс. Соос пöлын «Трудовой красной знамя» орден-басьтыз асьме районсы Юськинской неполной средней школаысь дышетись Балашев Дмитрий Федорович эш.

Районысь финансовой активлэн совещаниысьтыз

10 июле районсы финансовой активлэн совещаниез ортгиз. Совещаниын присутствовать каризы сельсовет'ёсысь финансовой секциослэн кивалтисьёссы, заем октон'я уполномоченнойёс, колхозник'ёс-активист'ёс, финансовой агент'ёс но райфинотделлэн инспектор'ёсыз. Совещание обсудить кариз 1939—40 арлы сельхозналог начислять карон ласянь колхозник'ёслэсь, единоличник'ёслэсь но озы ик сельской хозяйствоен герзаськем мукет мурт'ёслэсь доход'ёссэс выявлять карон сярысь но финпланэз быдэс'янлэн мынэмез сярысь вопрос'ёсты.

Нырысетй вопрос'я докладэн выступить кариз райфоллэн заведующийёз. Ложкин эш вераз кылем арын доход'ёсты выявлять карон дыр'я луэм янгыш'ёс сярысь но туэ арын соосты лыдэ басьтыса соослэсь избегать карон сярысь. Собере прениын вераськон'ёс кутскизы. Ваньмыз 10 мурт вераськиз.

Докладчиклэн но прениын выступать карисыслэн верамысьтызы тодмо луиз, что туэ арозь колхозник'ёслэсь но единоличник'ёслэсь доход'ёссэс лыдэ басьтон урод вал пуктэмын. Финансовой агент'ёс но налоговой инспектор'ёс активтэк ужазы. Доход'ёсты лыдэ басьтон дыр'я соизлэсь-а, таизлэсь-а крестьянинлэсь ар куспын басьтэм доходэз солэн ас верам кылысьтыз гинэ гож'ялмызы. Озы тыни колхозник'ёслэсь но уката ик единоличник'ёслэсь доход'ёссэс лыдэ басьтыны шонер өз быгатылэ. Тани, кылсярысь, Люкской сельсоветысь единоличник Зыкин Егор 2 вал, 2 скал возе, муз'емез вань, 5 мурт семьяез пöлысь 4 трудоспособной луо, нош солэн ар куспын басьтэм доходэз 3325 манет гинэ лыд'яське. Мукетыз единоличник Зыкин А. Е. плотничать каре. Кылем арын со куинь корка пуктйз, нош солэн доходэз пöлысь лыдэ 243 манетэз сяна ой вал басьтэмын. Таце мурт'ёс асьме районын ожыт өвёл. Нош райфинотдел соосты шараян понна туннэ нуналозь ожыт сюлмаськиз.

Совещание нырысь вопрос'я, райфинотделлэн ужысьтыз тырмымтэ интыосты чурит критика улэ басьтыса, туэ доход'ёсты лыдэ басьтонэз янгыш'ёстэк умой но шонер ортчытон выльысь конкретной ужрад'ёс кутйз. Собере кыктэтй вопросэз обсуждать карон кутскиз. Докладэн выступить кариз райфоллэн заведующийёз Ложкин эш.

Асьме район,—шуэ со,—финансовой ужен чидантэм бере кыле. Обязательной но добровольной тырон'ёслэн кыктэтй кварталды пус'ем планыз туннэ нуналлы 71 процентлы гинэ быдэстэмын. Соин сэрэн коньдон ласянь районмы секытэ усемын. Культурной, сельскохозяйственной но мукет мероприятиосты финансировать карон куашкатымын. Ужасьёслы уждун кемалы жегатыса сёт'яське.

Ложкин эш вераськем бере кыл

басьтэ райсберкассалэн заведующийёз Мерзляков эш. — Уката ик районмы бере кыле добровольной тырон'ёсты октонэн, — шуэ со. —

Куиньметй Пятилеткалэсь Заемзэ (нырысетй арелзэсь выпусксэ) реализовать каронэз район азинлыко быдэстйз. Нош солы взнос октонэн республикаысьтымы самой бере кылись район'ёслэн лыдазы пыре. Ваньзэ өвёлзэ октон 60 процентлы сяна өвёл на быдэстэмын. Маин валэктыны луоз такем бере кылэнэз? Нырысь ик вераны кулэ, что асьмеос активтэк асьме коже гинэ ужаскомы. Туннэ но организовать өвёл на каремын сельсовет'ёсын, озы ик районын но комсод'ёс. Тырмыт кивалтон өвёлэн туж ляб ужало сельсовет'ёс но соослэн секциосы.

Нимыстыз вератэк уг луы со сярысь, что тросэз «активист'ёс», заем октон'я уполномоченнойёс но колхоз'ёслэн председателёссы заемлы взносэс али но өз тыре на. Тани, кылсярысь, «Виль» колхозлэн председателез, Юськинской сельсоветлэн председателез, заем октон'я уполномоченной Каменьщиков, со сельсоветысь ик заем октон'я уполномоченной Прохоров, «Карл Маркс» колхозлэн председателез (коммунист) Пушкин заемлы взносэс одйг копейка но өз тыре на. Таце пример'ёсты вераны трос луысал, но татысь но адзиське ини интыосысь кивалтисьёслэн важнейшой государственной хозяйственно-политической мероприятиосты дырыз дыр'я но жог быдэс'ян понна сюлмаськымтэзы.

Собере кöняке мурт вераськизы колхозник'ёс - активист'ёс, финансовой агент'ёс но сельсовет'ёсысь секциослэн кивалтисьёссы. Соос туж юн критиковать каризы районной организациослэсь но уката ик райисполкомлэн президиумезлэсь финансовой ужен кивалтон ласянь ужамэс.

Выступат карисыслэн верамызы финансовой уж райфо но налоговой агент'ёс вылэ гинэ куштэмын. Нош партийной, комсомольской, советской но профсоюзной организациосты ужлэсь палэнскиллям. Райисполкомлэн президиумез но солэн председателез Варламова эш постановлениосын но решениосын шобьртскем. Нош практической юрттэт та ужен непосредственно герзаськем мурт'ёслы туннэ нуналозь өвёл сётэмын. Финансовой уж пырак куашкам выльысь но райисполкомлэн президиумезлэн член'ёсыз пöлысь сельсовет'ёсы ответственной мурт'ёс өвёл юнмат'ямын.

Совещание куриз райфолэсь но райисполкомлэсь финансовой ужен кивалтонэз чутрак перестроить карыны. Озы ик совещание рекомендовать кариз массово-раз'яснительной ужез паськыт вöлмытыны но массаен вискарятэк герзаськыса ужаны.

Большевикёс столыпинской реакция ар'ёсы

Всесоюзной Коммунистической Партия (большевик'ёслэн) героической историей нимыстыз инты басты вахыт, кудиз столыпинской реакция ар'ёс (1908 — 1912 ар'ёс) шуонэн тодмо луэ.

Со вал дыр, куке царской правительство, 1905 — 1907 арын луэм революцией расправиться карыса, передышкаен воспользоваться карысыкыны дыртйз, чтобы массаослэсь революционной движенизэс выжыеныз ик кекатыны, революцией добить карыны. Та задачаез быдэс'яз царской правительство, кудиз возглавляться карысыкыны Столыпинэн. Полиция, жандарм'ёс, «черносотенец'ёс» рабочий организации громить карызы. Арест'ёс, ссылкаос, виселицаос, правительство ярантэм партиосты уллян но преследовать карон—ваньмыз странаез «успокоить карыны», «законной порядок» кылдытыны кулэ вал.

1907 арын 3 июне 2 государственной дума уллямын но опубликовать каремын вал выль избирательный закон, кудиз обеспечить кариз помещик'ёслы но капиталист'ёслы большинство выль думаын. Рабочий'ёслэн но крестьян'ёслэн сотэж но туж ичи избирательной правооссы оволлы вуттэмын вал. Гурт'ёсын карательной отряд'ёс свирепствовать карызы. Столыпин поттйз закон крестьян'ёсты общинаыс отруб'ёсы вис'ян сярись. Котыкудиз крестьянин бастйз право общинаыс потыны но аслэстыз наделэ ас пользования бастыны. Озы правительство туртке вал кылдытыны гуртын аслыз юн основа гуртыс буржуазилэн-кулачестволэн трос лид'ясыкы классэзлэсь. Узыресь крестьян'ёс — кулак'ёс быгатылызы дунтэм дунын бастыны муз'емзэс общинаыс потэм но разориться карысыкы крестьян'ёслэсь. Та законэз поттэм бере кёня ке ар'ёс куспын миллионлэсь трос маломощной крестьянской хозяйствоос муз'емтэк кылызы но чылкак разориться карысыкызы.

Царской опричник'ёслэсь өз кыле фабрикант'ёс но заводчик'ёс. Соос синэтылызы уждунэз, массаосын увольнять карылызы рабочий'ёсты, тужгес активнейсэс, рабочий'ёслэн забастовкаосазы участвовать карем'ёсты, «черной списке» гожтылызы но уж дуре өз лэззылэ. «Общественной мыслилэн скованностез, — гож'яз Сталин эш, — ог'я жадён но апатия, рабочий'ёс пёлын нужда но отчаяние, крестьян'ёслэн забитостьы но кышканзы полицейско-помещичье - капиталистической своралэн ог'я разгулэз дыр'я — столыпинской «успокоенилэн» характерной тус'ёсыз сычесь...»

Партийной организациосын ужаны трос поллы шуг луиз. Революцилэн тросэз буржуазной попутчик'ёсыз, куд'ёсыз партия лыктымын вал революцилэн тужгес под'емезлэн ар'ёсаз, табере, преследованиослэсь кышкаса, партия рад'ёсыс кошкылызы. РСДРП-лэн член'ёсызлэн лыдыз чутрак ичиомиз. Революцилэн тужгес но кышкаса но шкурнической мылжыдо попутчик'ёсыз луизы царской охранкалэн шпион'ёсыныз но провокатор'ёсыныз. Буржуазной писатель'ёс, котыкуд ласянь изменник'ёс «критиковать карызы» марксизмез. Кылдиз орава «модной» писатель'ёслэн, куд'ёсыз «разносить карызы» марксизмез, сялалызы революция вылэ, сое мыскылызы, предательствоэз уш'яллызы.

Кылдизы религиозной течениос (богоискатель'ёс, богостроитель'ёс), куд'ёсыз, лженаучной довод'ёсын шобыртыкыса, марксизмлы пумит выступать карыны кутсыкызы. Ваньмыз та господаос одйг цель преследовать карызы — массаосы революция бордыс палэнтныны.

Соослы пумит, кин туртскиз марксистской партилэсь теоретической основаосэ подорвать карыны, 1909 арын Ленин гожтйз философской труд «Материализм и эмпириокритицизм». Та книгаын Ленин наголову разгромить кариз богоискатель'ёсты, богостроитель'ёсты, отстоять но азыпала развить кариз марксистской партилэсь теоретической основаосэ.

Столупинской реакцилэн сьбд ар'ёсаз, Ленинэн но Сталинэн возглавляться карысыкыны большевик'ёс гинэ юн возызы революционной нюр'ясконлэсь знамязэ. Выль обстановчалэсь своеобразизэ лыдэ бастыса большевик'ёс воштызы нюр'ясконлэсь тактиказэ.

Вормыны уг луы шонер наступать карыны но шонер отступать карыны дышетсконтэк, гож'яз Ленин. Партия отступать карыны кулэ вал, тужгес ичи ыштыса, чтбы партийной кадр'ёсты сохранить карыны. Большевик'ёс оборонае выжызы, кужым'ёс люкасы, чтобы собере выльыс наступление потыны. Царь но буржуазия тужгес лек обрушиться карысыкызы большевик'ёс вылэ. Большевик'ёс подпольеэ кошкызы но революционной нюр'ясконэз нуизы, нюр'ясконлэсь легальной (шара) но нелегальной (лушкем) амал'ёссэ герзаса. Большевик'ёс валэктылызы калыкы нюр'ясконлэсь кулээз, юнматылызы нелегальной (подпольной) социал-демократической партиез, использовать карызы легальной но нелегальной луонлык'ёсты массаосын герзасконт'ёсты юнматыны но соос вылэ влиять карыны, царизмез, помещик'ёсты но капиталист'ёсты разоблачить карон понна. Государственной думаез трибунаез кадэ использовать карызы.

Меньшевик'ёс отступать карызы паникаын, революцией предать карыса. Соос проповедовать карылызы, что выль революционной под'ем уз луы ни, что революция быдэсак проиграть каремын. Меньшевик'ёс требовать карызы нелегальной революционной партиез быдтыны, революционной нюр'ясконлэсь отказать карысыкыны. Ликвидатор'ёс столыпинской режимлы приспособиться карыны туртто вал,

Китайской калык войналэсь кыктэтй годовщиназэ пусйиз

7 июле быдэс Китайын пус'емын вал японской захватчик'ёслы пумит войналэн кыктэтй годовщинаез. Китайской калыклен вооруженной пумит'яскоңэзлы сйзыса театр'ёсын, школаосын, университет'ёсын

революцией душить карысы, царской опричник'ёс азын заискивать но лакействовать карылызы. Ликвидатор'ёс вал по сути дела столыпинской «рабочей» партиен. Ликвидатор'ёсты быдэсак поддерживать карылыз Иуда—Троцкий. Со мошеннически туртске вал, «внефракционность» сярись фразаосын, шобыртыны аслэстыз зэмос ликвидатор луэмзэ. Ленин солы сётйз убийственной кличка, «иудушка». «...Троцкий но солы тупась» троцкист'ёс но соглашатель'ёс «котыкыче ликвидаторлэсь вреднойгес, ибо убежденной ликвидатор'ёс асыслэсь взгляд'ёссэс шонерак верало, но рабочий'ёслы капчи валаны соослэсь янгыш луэмзэс, нош г. г. Троцкист'ёс орекчалло рабочий'ёсты, прикрывать каро злоез, сое шараянэз но солэсь бурмытонэз луонтэм каро», — гож'яз Ленин.

Партилен враг'ёсызлы юртйзы гнусной двурушник'ёс, Троцкийлэн скрытой агент'ёсыз — Рыков, Каменев, Зиновьев.

Большевик'ёс нюр'яскон нуизы оппортунизмлэн мукет разновидностыныз — отзовист'ёсын. Отзовист'ёс требовать карызы Государственной думаыс депутат'ёсты-большевик'ёсты отозвать карыны. Соос вис'яллызы партиез рабочий класслэсь, беспартийной массаослэсь, революционной нюр'яскон понна вань легальной луонлык'ёсты кутонэз срывать карыса. Большевик'ёс осудить карызы отзовист'ёсты, та «ликвидатор'ёсты слева», «ликвидатор'ёсты наизнанку» но соосты партиныс поттйзы.

Столупинской реакция ар'ёсы Ленин граница сьбрын вал. Сталин эш, Сольвычегодскын ссылкаыд пегзыса, открытой ликвидатор'ёслы, маскироваться карысыкыны ликвидатор'ёс-трацкист'ёслы, пумит, отзовист'ёслы пумит непримиримой нюр'яскоңэз вольмытыз.

Реакцилен секыт условиосаз, оппортунист'ёслы пумит упорной нюр'ясконын, соослэсь сузаскыса, юнмаз но закалиться карысыкыны, организационно оформиться карысыкыны Ленинлэн — Сталинлэн партиез. 1912 арын 6 Всероссийской конференция (Прагаын) понйз начало самостоятельной большевистской партилы, выль типо партилы, марксистско-ленинской партилы. Ликвидатор'ёс партиныс уллямын вал. Большевик'ёс оформиться карысыкыны самостоятельной Российской Социал - Демократической Рабочей Партии (большевик'ёслэн).

М. Россовский.

но мукет общественной интыосын массовой митинг'ёс ортчылызы. Китайлэн выль столицазэ — Чунцин—национальной флаг'ёсын чебер'ямын вал.

(ТАСС).

Бордгазет'ёслэн редактор'ёссылы но рабселькор'ёслы

13 июле 1939 арын ВКП(б)-лэн Ижевской райкомез но «Сталинец» райгазетлэн редакциез люкало районной совещание.

Эскероно ужпум'ёс:

ВКП(б) ЦК-лэн майской Пленумезлэн итог'ёсыз но бордгазет'ёслэн задачаоссы.

Совещание 10 часлы чукна дыраз лыктыны кулэ колхозной но бригадной бордгазет'ёслэн редактор'ёссылы но рабселькор'ёслы.

Совещание луоз Ижевскын, лыктем'ёсты регистрировать карон мыноз «Сталинец» газетлэн редакциезлэн помещенияз. (Ижевск, ул. Свободы, 148).

ВКП(б)-лэн райкомез. «Сталинец» газетлэн редакциез.

Бадзым нарушениос шараямын

Юськисьинской сельсоветыс «Свобода» колхозын приусадебной участок'ёсты мертаку, туж бадзымез нарушениос шараямын. Татын да-накез колхозник'ёс усадебной участок'ёсты 3—4 интыны кутыса возе.

Тани, кылсярысь, Кочетков Степан колхозникез бастымы. Солэн 0,4 гектар возез вань, колхозлэн бусы муз'ем вылаз 0,05 гектар, усадьбаез 0,22 гектар, со сяна, пиеныз яна потэм карысыкыса, эшшо 0,34 гектар интыен усадьба бастэм. Яке Косарев Спиридон, со колхозлэн бусыаз 0,20 гектар вылэ мерттыскем, усадьба тырмыт ке но сётэмын. Озы ик Мельников Николай 4 интыны приусадебной участок кутыса возе. Таце пример'ёс трос вераны луысал. Но та пример'ёс вылысь ик адзиске ни, кызы разбазаривать карысыкыны колхозлэн общественной муз'емез, колхозлэн правлениезлэн (председателез Морозов) син азия.

Корняев.

Единоличник'ёс колхозэ пыро

Шабердинской сельсоветыс Малиновка гуртын татчыозь колхоз ой вал на кылдытэмын. 10 июле татысь единоличник'ёс пёлын умой. умой обсудить но разяснить каремын вал «Колхоз'ёслэсь общественной муз'ем'ёссэс разбазаривать каронлэсь возманлэн мераосыз сярись» ВКП(б)-лэн Центральной Комитетэзлэн но СССР-лэн Совнаркомезлэн постановленизы. Постановлениз обсудить карем бере 9 единоличник'ёс колхозэ пырыны заявление сетйзы. Али Малиновка гуртын колхоз кылдытэмын.

Чуныосты мумызы бордысь люкон сярись

Асьме районсыс куд-ог колхоз'ёс чуныосты мумызы бордысь пичиысен ик люко. Шабердинской сельсоветыс «Волга» колхозын чуныослэн вордскем дырысенызы куинь толэзь ортче ке, соосты мумыоссы бордысь люко ини. Та вылем ик лэсьто тросаз мукет колхоз'ёсын но.

Чуныосты мумызы бордысь люкыны 6 толэзь тырмытэк уг яра. Талэсь пичиен соос умой-умой сисыкыны уг быгато на но сьбдунэсь кылэ. Озы ик будэм беразы но ужаны яйтэм луо. Мумыоссы бордысь люкемлэсь азыло соосты сиыны дышетоно. Нырысь ик дышетоно сезы сиыны, нуналлы 100—150 грамм сёт'яса. Куке чуны сиыны быгатоз кык но кык но жыны килограммозь, озы ик дышоз грубой сион'ёсты сиыны, соку гинэ сое мумиз бордысь люкыны луэ.

Райзолэн зоотехникез Чернов

Школа лэстыйзы

«Мушкась» колхозысь нылпиос Шабердые дышетскыны ветло вал. Талэсь секытэ колхозлэн правлениез но колхозник'ёс лыдэ бастыса ас кужыменызы школа лэстыны малпазы.

Школа лэстыны кутскемы вал туэ, гужем луэм бере. Сое колхозник'ёс жог вуттызы. Школа кык этажо. Солэн пушкыз умой чылкыт

Врид. редактора В. И. АЗИМОВ. Поттйсь райисполком.